

*шумеліи обители инокинъ братства духовнаго Виленскою, дщери
моей о Христе презвозлюбленной отдати.*

*(Изъ рукописи, находящейся въ старомъ Архивъ Кіево-пе-
черской Лавры.)*

XLVII

Грамота константинопольскаго патріарха Кирила къ православ-
нымъ южно-руссамъ съ объясненіемъ посланнаго прежде чрезъ Ме-
летія Смотрицкаго соборнаго опредѣленія, уничтожавшаго ставропи-
гальныя права нѣкоторыхъ братствъ и монастырей въ З. Руси.

1626 г. декабря 15.

Кирилъ въ ласки Божіей Архіепископъ Константино-
польскій новаго Риму и повсехный патріарха.

Которыеся во Лвове и въ Вилню православныи хри-
стіане и звяскомъ въ Христе Братства съ собою суть спо-
ени и умоцвени на фундаментъ нашей святой Каеолицькой
и Апостольской великой церкви, такъ тыжъ, котрые суть
съ посвяченнаго каталокгу, яко тыжъ и свѣцькой полѣщцы
и порядку сыномъ въ Панау покорности нашей ласка, по-
куй и милосерде отъ Бога Вседержителя и Пана нашего Ип-
суса Христа, а одъ нашей покорности молитва и благосло-
венство нехай будетъ.—Вьдаете добре прочитавши плесмы
роздѣлине написавши, зъ везволенъемъ всѣхъ досконалымъ
синоду висоце велебныхъ и поважныхъ митрополитовъ и
другихъ насвятшихъ патріарховъ въ Духу Святомъ найми-
шихъ братій и спужь служебниковъ покорности нашей, по-
слали до васъ презъ Богомъ умилованнаго Архіепископа По-
лоцкаго Мелетія Смотрицкаго, въ кторыхъ пунктахъ и роз-
дѣлахъ узналисямы за слушную и справедливую быти трва-
ти вамъ всемъ православнымъ христіаномъ иле ихъ есть у
васъ, такъ тымъ, котрыеся подъ тотъ часъ найдують, яко
и котрые на потомъ будутъ, заховывати тые тамъ отъ васъ
артикулы вамъ написаные щирымъ и праве чистымъ умы-



словъ во всей цѣлости ихъ и безъ жаднаго нарушеня вѣчными часы, и абы жаденъ зъ васъ имъся не противилъ яко тые, котрые то суть непорушнымъ стопнемъ милости еденъ до другого, о котрой учачи Панъ Збавитель до учниовъ своихъ повѣсти рачылъ, же зъ милости до себе всѣ познати ихъ могутъ; самъ бо вѣмъ милостю будучи повѣдѣлъ, же Богъ милостю есть, а кто въ милости той трваетъ, тотъ въ Бозѣ пребываетъ и Богъ тыжъ въ ніомъ премешкиваетъ; и покорность наша абы всѣ речи, котрые въ посполитости суть посполитыми, абы тыжъ посполите, за вѣдомостю всѣхъ, завѣдованы были всѣми посвященне увелбеными Архіереями, наказавши (то) декретомъ и судомъ нашимъ, а котрые зась приватне суть завѣдованы, абы тыжъ зособна справованы и завѣдованы были; а тое не безъ усмотрованя яко гоужъ колвекъ дозору и щобы до збудованя пожитку было узналисны, т. е. котрые теразъ ново и предъ тымъ давнѣй у ставропигійскихъ церквей и монастырей найдуются ставропіями, отъ того часу ужъ занехали ставропигіями мѣновати, бытиними и сами собою безъ звѣрхности абыся больше не рядили. Але абы были подъ посполитымъ завѣдыванямъ и порядкомъ такъ ведлугъ часу наступаючыхъ Архіереовъ, такъ тежъ и братствъ христіанскихъ; але поневажъ въ ономъ писъмѣ, въ артикулахъ отъ насъ подаюмъ, слово нѣякое презъ насъ есть положено, котрое такъся въ себе маеть: „же котрые здавна предъ тымъ суть ставропѣгня.“ Подъ тымъ словомъ нѣкоторые, тое мѣсце выкладаючи, узнавають быти вкуцѣ и ставропѣионъ Двовское также и ставропѣионъ Виленское, котрые то мѣсца старый святое памяти патріарха константинопольскій отецъ Іеремія добре и справне привѣлъ до порядку и справованя ними ставропигійского, и ствердилъ то, абы самовласне и своимъ правомъ имся рядити и въ порядку своимъ вѣчне зостати и абы жадное ими ившое опрочъ ведлугъ часу наступаючого патріарха константинопольскаго на литургіяхъ святыхъ и отправованю набоженствъ воспоминаемо не было отъ тыхъ, ко-



трые на тыхъ тамъ кгрунтахъ мешкають, и абы самому тылко патріарсѣ подлежали и подѣ его послушенствомъ были. Теды вѣдомо чинимо вамъ всѣмъ, такъ архіереомъ яко и ереомъ и братствомъ, и всѣмъ звѣрхнимъ и котрые подѣ звѣрхностю суть христіане, же для того на письмѣ есть отъ насъ подано, абы котрые южь по предреченомъ святое памяти патріарсѣ Іереміи суть до того порядку приведены и ставропигіями названы отъ патріарховъ, южь по ономъ бывшихъ, а барзѣй отъ того, который въ тые тамъ краи до васъ прибывши, то есть, насвятѣйшій патріарха Іерусалимскій Киръ Теофанъ ново ставропигіями починилъ, а не ижъ бы ставропигіонъ Львовское албо Виленское зъ порядку того мѣлисы прочъ зносити; тые бо вѣмъ хочемо абы непорушне и неотмѣнне въ порядку и справованю своимъ ставропигіискомъ вѣчне зостали и нѣ отъ кого нѣкгда турбовани абы не были. А опрочъ тыхъ иныше всѣ, котрые южь по святое памяти Іереміи и котрые тыжь патріарха іерусалимскій способомъ нѣякимъ зряженя своего ставропигіями назвалъ, декретомъ нашимъ наказуемо, съ писмомъся онымъ писмомъ теразнейшимъ згажаючи, абы тые то новые ставропѣия православнымъ архіереомъ ведлугъ епархіи подлеглыми были и якъ и иныше парафѣйныя церкви и монастыри узнаваны были: на то бо вѣмъ и листъ нашъ теразнѣйшій для объясненя sprawy той и стверженя есть данный. 1626 року, мѣсяца Декеврія, индикта 9.

(Съ копіи, хранящейся въ Архивъ Львовскаго Ставропигіальнаго Института.)

Примѣч. Безъ сомнѣнія, въ связи съ присланнымъ чрезъ Мелетія Смотрицкаго соборнымъ опредѣленіемъ, уничтожавшимъ ставропигіальныя права нѣкоторыхъ братствъ и монастырей въ Зап. Россіи, — должно быть поставлено, между прочимъ, и слѣдующее дѣйствіе со стороны Кіево-печерской Лавры: „Лѣта отъ рождества Христова 1626, іюля 28 дня“, — читаемъ въ *выписи зъ книгъ суда духовнаго митрополита кіевскаго* (Рук. Кіев. дух. Акад.,



не занесенная въ каталогъ),—, предъ нами Іовомъ Борецкимъ, милостію Божію Архіепископомъ митрополитомъ Киевскимъ и Галицкимъ, честный инокъ Варлаамъ Дизковский именемъ православного и въ Бозѣ велебного отца киръ Захарія Копытенского, милостію Божію архимандрита, и всей пречестного собора капитулы іеромонаховъ и монаховъ монастыря печерскаго киевскаго, *подавалъ привилеи ставропигии*: единъ отъ святѣйшаго Максима, другій отъ святѣйшаго Рафаила Константинопольскихъ патріарховъ вселенскихъ, которыя мы привилеи *честно яко Архипастырьвсѣхъ всего рода російскаго принявши и цѣловавши* и прошенія отца архимандрита и всего собора *разсудивши яко слышныя* до книгъ нашихъ митрополитанскихъ *вписали*.. (Слѣдуютъ самыя патріаршія грамоты, напечатанныя въ приложеніяхъ къ *Опис. Киево-печер. Лавры* подъ №№ 1 и 24)

LXVII.

Грамота кievскаго митрополита Іова Борецкаго къ Львовскому братству, съ извѣстіемъ о посвященіи Іосифа Кириловича въ игумены св. Онуфріевскаго монастыря и съ просьбою благосклоннѣе относиться къ нему—митрополиту.

1627 гевв. 11.

Іовъ Борецкій, милостію Божію Архіепископъ Митрополитъ Киевскій Галицкій и всея Россіи.

Смиреніе наше вѣдомо чинитъ всѣмъ, а особливѣе благочестивымъ и христіюлюбивымъ братьямъ братства церковного послушенства Восточное церкви Матери Божіи Успенія и преподобного отца нашего Онуфрія обители во градъ Львовъ Ставропигія патріаршескаго прибѣжаномъ и всякого стану и достоинства побожнымъ христіаномъ. Ижъ мы маючи залечоную справу и пилное старане о помноженю хвалы Божое, такъ честного житія инокеского, яко и друкарскимъ мастер-